

REFERAT MIA - Meeqqanut Ilaqutariinnullu Ataatsimiititaq d. 27-09-2022

Mødedato Tirsdag d. 27. september 2022 kl. 18:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Suliniutip allaaserineqarnera Anaanat Illuat.....	6
Kusernerup aniartuaarnermi angerlarsimaffiat.....	8
Sustainable Now.....	10
2023-mut missingersuutit.....	12
Ingerlatsiviup 2023-mut sanaartugassatut missingersuutitut kissaatai.....	15
Nunaqarfinni meeqqanik toqqaannartumik saaffiginnittunut saaffiginniffissanik pilersitsinissamik s	19
Lukket.....	22
Taasariaqartut allat.....	23
Imaqarniliap akuerineqarnera.....	24

Punkt .: Saqqaa

Ilaasortat:

Naya-Sophia Lyberth (IA) Siullittaasoq
Mia Skifte Lynge (IA) Siulittaasup tullia
Harald Bianco (IA)
Charlotte Ludvigsen (IA)
Laura Táunâjik Uitsatikitseq (S)

Beslutning

Peqataasut:

Naya Sophian Pedersen Lyberth (IA) siulittaasoq
Mia Skifte Lynge (IA)
Charlotte Ludvigsen (IA)
Laura Táunâjik Uitsatikitseq (S)
Uju Petersen (IA) Harald Bianco (IA)-mut sinniisuuvoq

Ataatsimeeqataasinnaanatik nalunaartut:

Harald Bianco (IA)

Punkt .: Oqaluuserisassat akuerineqarnerat

Beslutning

Immikkoortoq 7. siuartinneqarpoq immikkoortoq siullertut oqaluuserisassanngortinneqarluni.

Immikkoortoq 6. siuartinneqarpoq immikkoortut aappaattut oqaluuserisassanngortinneqarluni.

Uju Petersen (IA) immikkoortup 7-p oqaluuserineqarnerani suliamut attuumassuteqarnini nalunaarutigaa.

Laura Táunâjik Uitsatikitseq (S) aallartussaanini peqqutigalugu ingerlajaassaaq. Anivoq nal. 15:00

Oqaluuserisassat akuersissutigineqarput

Punkt .: Nalunaarutit

Siulittaasumiit nalunaarutit
Ingerlatsivimmiit nalunaarutit

Beslutning

Siulittaasumit nalunaarutit:

Harald Bianco (IA) taarserlugu Uju Petersen aggersarneqarpoq.

Ingerlatsivimmiit nalunaarutit:

Tasiilaq - Piteraqaq

Tasiilaq BFA – atorfinitsitsinerit

Paamiuni, Tasiilami Nuummilu sulisoqarnerup killiffia

Ingerlatsivik Kivitsisuvugut

Punkt 1: Suliniutip allaaserineqarnera Anaanat Illuat

Beslutning

Ilisimatitsissut tusaatissatut tiguneqarpoq ima oqaaseqaatitalerlugu: Piginnaatitsinermik agguataarinissamut pilersaarutip malinneqarnissaa allaffeqarfimmit qulakkeerneqartussaavoq.

Bilag

Suliniutip allaaserineqarnera Anaanat Illuat



Suliniutip allaaserineqarnera Anaanat Illuat

Ilisimatitsissut

SagsID.: EMN-2022-01616

Meeqqanut Ilaqutariinnullu Ingerlatsivik - pisortaq Martha Abelsen / MRBL

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Piffissap sivilisuaartup ingerlanerani Meeqqanut Ilaqutariinnullu Ingerlatsivik anaanaasunik inuusuttunik amerlialuttuinnartunik angerlarsimaffeeruteriasaartunik ilaqutariilluunniit kinguaariit arlallit angerlarsimaffiini najugaqarsimasunik naapitsisarpoq, meeqqap atugarissaarneranik ulorianartorsiortitsisumik (persuttaaneq, aalakoorneq, ikiarorneq ass.). Meeqqamik inissiiniarnermi, angajoqqaajusup aappaa meeqqamik isumaginnissinnaagaluartoq, aaqqiissutaanngisaannarpoq pitsaasoq. Taamatut ajornartorsiuteqarneq qaangersinnaajumallugu Meeqqanut Ilaqutariinnullu Ingerlatsivik misileraalluni suliniummik pilersitsivoq, sullitat taakkua isumagineqartussanngorlugit, taamaalilluni meeqqanik inissiineq pinngitsoorneqarsinnaalluni. Tassunga suliniutip allaaserineqarnera ilanngunneqarpoq.

Ingerlatsivimmit aningaasatigut sulisoqarnikkullu naliliinerit

Suliaq aningaasaqarnikkut sulisoqarnikkulluunniit sunniuteqassanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- o Kommuniup Meeqqat Ilaqutariillu inuuniarnermikkut ajornartorsiuteqartut pillugit politikki

Ilanngussat

1. Suliniutip allaaserineqarnera Anaanat Illuat

Punkt 2: Kusernerup aniartuaarnermi angerlarsimaffiat

Beslutning

Ilisimatitsissut tusaatissatut tiguneqarpoq ima oqaaseqaatitalerlugu: Piginnaatitsinermik agguataarinissamut pilersaarutip malinneqarnissaa allaffeqarfimmit qulakkeerneqartussaavoq.

Bilag

Suliniutip allaaserineqarnera Kuserneq aniartuaartitsinermi angerlarsimaffik

Kusernerup aniartuaarnermi angerlarsimaffiat

Ilisimatitsissut

SagsID.: EMN-2022-01616

Meeqqanut Ilaqutariinnullu Ingerlatsivik - pisortaq Martha Abelsen / MRBL

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kuserneq tassaavoq naartusunut aamma ilaqutariinnut mikisunik meerartalinnut (0-2-nik ukiulinnut) najugaqarfittut aamma katsorsaavittut neqeroorut. Kusernermi katsorsaarnermi neqeroorut qaammatit arfinilinniit ukiut marluk tungaanut ingerlasarpoq. Katsorsareernerup naammassinerata kingorna ilaqutariit nalinginnaasumik inuuleqqinnissamat piareersimasarput. Ilaqutariit tunngaviusumik nammineerlutik inuusinnaalersimasarput. Ajoraluartumik ilaqutariit tamarmik katsorsartereernerup kingorna inissamik pissaqarneq ajorput, taamaattumik Meeqqanut Ilaqutariinnullu Ingerlatsivik marlunnik periarfissaqarpoq. Katsorsartinnissamat neqeroorummi ilaqutariit paariinnarlugit inssiassaqaalernissaata tungaanut. Tamannali isumaqarpoq ilaqutariit pisariaqartitsisut inissaanik "inangiissasut". Imaluunniit ilaqutariit angerlarsimaffeqanngitsutut iperarneqassapput, taamaaliortoqarsinnaanngilarlu. Taamaattumik Ingerlatsivik misiligutaasumik aniartuaartitsinermi inissianik pilersitsivoq, ilaqutariit katsorsartereersut isumaginnittoqarfik aqqutigalugu inssiassaqaalernissaata tungaanut.

Suliniuteqareernermit atatillugu inissianut suliniutip allaaserineqarnera ilanngunneqarpoq.

Ingerlatsivimmit aningaasatigut sulisoqarnikkullu naliliinerit

Suliaq aningaasaqarnikkut sulisoqarnikkulluunniit sunniuteqassanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Kommunip Meeqqat Ilaqutariillu inuuniarnermikkut ajornartorsiuteqartut pillugit politikki

Ilanngussat

1. Suliniutip allaaserineqarnera Kuserneq aniartuaartitsinermi angerlarsimaffik

Punkt 3: Sustainable Now

Beslutning

Ilisimatitsissut tusaatissatut tiguneqarpoq.

Bilag

2022-mut ukiup affaanut siullermut akissuteqaat



Sustainable Now

2022-mut ukiup affaanut siullermut killiffik

Ilisimatitsissut

SagsID.: EMN-2022-01616

Meeqqanut Ilaqutariinnullu Ingerlatsivik - pisortaq Martha Abelsen / MRBL

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersooq 2019-imi Sustainable Now-imik isumaqatigiissusiorpoq. Ukiorpaaluit ingerlaneranni Sustainable Now Tasiilami eqqaanilu inuiaqatigiinnik ineriartortitsinermik, aaqqissuussinermik ilinniagaqarnermillu ikiuipput. Suleqatigiinnikkut siunertarineqarpoq qulakkiissallugu, inuiaqatigiit namminneq minnerusunik annerunerusunillu suliniuteqassasut, ineriartortitsinermut tamakkiisumik isiginninnermik imminnullu napatinnerulernissamik sammivilimmut tapersiillutik. Ineriartortitsinermi siunertaavoq illoqarfimmi meeqqanut inuusuttunullu pitsaasunik atugassanik periarfissanillu pilersitsinissaq.

Suleqatigiinnermi pingaartinneqarpoq suliniutit iliuutsillu aallartinneqartut najukkami pigiliunneqassasut. Pingaartumik ataqatigiissitsineq ataavartuutitsinissarlu qulakkeerneqassasoq.

Sustainable Now 2022-mut ukiup affaanut siullermut nalunaarutininik tunniussaqqarpoq, taakku 2022-mi suut suliarineqarsimanersut pillugit nassuiaatinik imaqqarput.

Naggataatigut oqaatigineqassaaq kommunemi suleqatigiinnerup Meeqqanut Ilaqutariinnullu sullissivimmi aaqqissuussinerup atatiinnarneqarnissaa pillugu naliliiffigineqassammat. Isumaliuutigisat tassaapput iluarsartuullugu pilersaarusiap annerusumik paasisimasaaqarfigilernissaa, taamalu Meeqqanut Ilaqutariinnermullu sullissiviinnaangitsup annertunerusumik ingerlanneqarnissaa.

Ingerlatsivimmit aningaasatigut sulisoqarnikkullu naliliinerit

Suliaq aningaasaqarnikkut sulisoqarnikkulluunniit sunniuteqassanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- o Tasiilami Suleqatigiippugut pillugu isumaqatigiissutitut allakkiaq

Ilanngussat

1. 2022-mut ukiup affaanut siullermut akissuteqaat

Punkt 4: 2023-mut missingersuutit

Beslutning

Ilisimatitsissut tusaatissatut tiguneqarpoq.



2023-mut missingersuutit

Ilisimatitsissut

SagsID: EMN-2022-01616

Meeqqanut Ilaqutariinnullu Ingerlatsivik - pisortaq Martha Abelsen / MRBL

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

2023-mut missingersuutitut atatillugu ingerlatsivik missingersuutissatut siunnersuummik suliniuteqarfiusuni isumaginninnikkut pisariaqartitsisutut naliliiffiusuni suliaqarpoq. Tassunga atatillugu ingerlatsineq pillugu siunnersuutit sukumiisut arfinillit tunniunneqarput. Taakkunanga siunnersuutit pingasut nalinginnaasumik ingerlatsineq/aserfallatsaaliuineq pillugu, aammalu Nuummi Tasiilamilu isumaginninnikkut siusinaartumik suliniutinik nutarsaaneq pillugu siunnersuutit pingasut. Taassuma saniatigut suliatigut naliliisoqarpoq, siunissami Meeqqanut Ilaqutariinnullu sullissivinnik nutaanik marlunnik kiisalu ulloq unnuarlu paaqqinnittarfimmik nutaamik pilersitsisoqarsinnaanissaa sulissutigineqassasoq.

Meeqqat Ilaqutariillu inuuniarnermikkut ajornartorsiuteqartut pillugit politikki eqqarsaatigalugu isumaginninnikkut pisariaqartitsineq piffissami qaninnerusumi ungasinnerusumilu siunnersuutitut taakkununga tunngavilersuutigineqarpoq kiisalu ataatsimiititat assigiinngitsut anguniagaat pillugit eqqarsaatersuutit ataatsimiititami eqqartorneqartut.

#	2023-mut missingersuutissatut siunnersuutit	Aningaasartai	Suussusaa
1	HeadSPACE (Tasiilaq)	1.200.000	Ingerlatsinermi kissaat
2	Igaffik Meeqqanut Ilaqutariinnullu Sullissivik (Nuuk)	450.000	Ingerlatsinermi kissaat
3	Igaffik Tupaarnaq (Nuuk)	150.000	Ingerlatsinermi kissaat
4	Pedeli Inuusuttunik sullissivik (Nuuk)	350.000	Ingerlatsinermi kissaat
5	Anaanat Illuat (Nuuk)	350.000	Ingerlatsinermi kissaat
6	Toqqissisimanissaq pillugu angalaaqatigiittartut (Tasiilaq)	500.000	Ingerlatsinermi kissaat
7	Meeqqanut Ilaqutariinnullu Sullissivik nutaaq (Nuuk)	-	Sanaartugassatut kissaat
8	Meeqqanut Ilaqutariinnullu Sullissivik nutaaq (Tasiilaq)	-	Sanaartugassatut kissaat



9	<i>Kommunimi ulloq unnuarlu paaqqinnittarfik nutaaq</i>	-	<i>Sanaartugassatut kissaat</i>
---	---	---	---------------------------------

Taassuma saniatigut ingerlatsivimmit siunnersuutigineqarpoq, ilassutitut aningaasaliissutit TB1-mut ilanngunneqartut 2023-mut tunngaviusumik missingersuutinut ingerlateqqinneqassasut.

Ingerlatsivimmit aningaasatigut sulisoqarnikkullu naliliinerit

Suliaq aningaasaqarnikkut sulisoqarnikkulluunniit sunniuteqassanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Kommunip Meeqqat Ilaqutariillu inuuniarnermikkut ajornartorsiuteqartut pillugit politikki
- 2023-mut missingersuusionermut malittarisassat

Ilanngussat

Ilanngussaqaanngilaq.

Punkt 5: Ingerlatsiviup 2023-mut sanaartugassatut missingersuutitut kissaatai

Beslutning

Ilisimatitsissut tusaatissatut tiguneqarpoq.

Bilag

Ingerlatsiviit sanaartugassatut kissaataat tamakkiisut

Ingerlatsiviup 2023-mut sanaartugassatut missingersuutinu kissaatai

Aalajangiiffigisassaq

SagsID: EMN-2022-07442

Meeqqanut Ilaqutariinnullu Ingerlatsivik - pisortaq Martha Abelsen / MRBL

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat

inassuteqaatigaa:

- ingerlatsiviup suliassat misissueqqaarfiusussat normui tulleriarlugit pingaarnersiukkat ataatsimiititap aalajangiiffigisagai:
 - o Ulloq unnuarlu paaqqinnittarfik nutaaq
 - o Meeqqanut Ilaqutariinnullu Sullissivik, Nuuk
 - o Meeqqanut Ilaqutariinnullu Sullissivik, Tasiilaq
- ataatsimiititap ingerlatsiviit allat sanaartugassatut pingaarnersiugaat ilisimatitsissutitut tigussagai

Suliassamik saqqummiussineq

2023-mut missingersuutissat suliarinerinut tapiliullugu ingerlatsivik sanaartugassatut kissaatinik arlalinnik ilanngussaqqarpoq, missingersuutinu ilanngutsikkusutaminnik. Suliassat tamarmik naatsumik nassuiaatigineqarput, kisianni aningaasartalersornagit. Missingersuutit suliarineranni ataatsimiititap susassaqqartut nalilersuutaat kissaatigineqarmata, sanaartugassanut kissaatigineqartut ilanngullugit, ataatsimiititap tamarmik qinnuigineqarput ingerlatsivimmini sanaartugassatut kissaatigineqartunik pingaarnersiueqqullugit. Ilangullugu nassiunneqqarpoq ingerlatsivinni tamani sanaartugassatut kissaatigineqartut tamakkiisut. Tamanna ilanngunneqqarpoq ataatsimiititap susassaqqartut tamarmik kommunimi sanaartugassatut kissaatigineqartut amerlassusiannik malinnaasinnaaniassammata. Tassunga ilanngullugu pingaarnersiorneqqassaaq, pisariaqavinnerpaat aammalu sanaartugassatut kissaatit allattorsimaffianniittut nukingernarnerpaat.

Sanaartugassatut kissaatit ataatsimiititanit susassaqqartunit nalilersuiffigineqarnissaannik kissaammut pissutaavoq, missingersuutit suliarineranni ataatsimiititap susassaqqartut peqataateqqinnissaat, aammali Sanarfinermut Avatangiisinullu Ingerlatsiviup erseqqissumik suliassamik sorlernik pingaarnersiuisoqarnissaannik nalunaaruteqarnissaa pillugu.


Tamatumunnga pissutaavoq aningaasalersueriaatsimik marloqiusamik atuilernissamut ikaarsaariartoqarnissaa, siullermik pilersaarusiornermut aningaasaliissutinik tulliatullu sanaartugassanut aningaasaliissutinik. Siullermik pilersaarusiornissamut aningaasaliissuteqartoqassaaq, sanaartugassatut kissaatigineqartut qanoq akeqassanersut misissornissaannut atugassamik, tamannalu pereerpat suliassat 2 mio. sinnerlugit akillit politikikkut suliarineqassapput, sanaartornissavianut sanaartugassanut aningaasaliissutit atulinnginneranni.

Imaappoq, sanaartugassatut kissaatit nutaat siullertut misissueqqaarfigineqassapput, sanaartugassatut aningaasaliiffigineqartutut aallartinneqavinninneranni. Imaappoq suliassat nutaat aallartissutigalugu misissueqqaarnissamut aningaasaliissutit atulersinnerat aqutugalugu sanaartugassatut missingersuutinu ilanngunneqqassapput.

Suliassat tamarmik aningaasartassaat eqqarsaatigalugit misissueqqaarfigineqassanngillat. Taamaattumik ingerlatsiviit suliassaatininnik pingaarnersiueqqunneqqarput. Tamanna pereerpat

pingaarnersiuilluni allattukkat malillugit Sanarfinermut Avatangiisinullu Ingerlatsiviup suliassat misissueqqaarfiginissaat isumagissavaa.

Takussutissiaq 1. Aningaasalersueriaaseq marloqiusaq pillugu takussutissaq



Ingerlatsivimmit aningaasatigut sulisoqarnikkullu naliliinerit

Sanarfinermut Avatangiisinullu Ingerlatsiviup 2023-mi suliassat qulit missaat qanoq annertutigineri apequtaatillugit misissueqqaarfiginissaannut ingerlatsivimmit akissaqartinneqarnersut nalilersorneqartassapput. Taamaattumik suliassat mississueqqaarfiginissaannut pingaarnersiorneqarnissaat ingerlatsiviup kaammattuutigaa.

Misissueqqaarnissanut aningaasartuutissat misissueqqaarnissanut sanaartugassanut aningaasaliissutinit matussuserneqassapput. Misissueqqaarnerit akitigut assigiinngisitaarsinnaasarput hunnorujut tusindilikkaat ikittunnguaniit millionit arlallit tikillugit. Misissueqqaarisoqareerpat suliassat tamarmik immikkut qanoq akeqassanersut missiliuusiorderi pissarsiarineqassapput, taakkulu suliassat allattorsimaffiannut ilanngunneqassapput qanoq akeqarnissaat missiliuusiukkat allaaserinerilu ilanngullugit.

Sanaartugassatut kissaatigineqartutut saqqummiunneqartut piviusunngortitassatut akuersissutigineqassappata, suliassat ataasiakkaarlugit aningaasatigut nalilersuiffigineri immikkut saqqummiunneqassapput.

Suliffeqarfimmut Kiffartuussivimmit aningaasatigut naliliineq

Suliamut tunngatillugu maannakkut aningaasartuuteqanngillat. Sanaartugassatut kissaatigineqartutut saqqummiunneqartut piviusunngortitassatut akuersissutigineqassappata, suliassat ataasiakkaarlugit aningaasatigut nalilersuiffigineri immikkut saqqummiunneqassapput.

Inatsisitigut tunngavissaq allakkallu tunngaviusumik uppersaataitallit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-mersooq (Missingersuutit inissisimanerannik naatsorsueriaatsimik allannguineq, nammineq aningaasaatinik naleqqussaanissamut ataasiaannartumik akuersissut aamma pisortat ataatsimoorlutik qarasaasiaat pillugit malittarisassanik erseqqissaaneq)



Ilangussat

1. Ingerlatsiviit sanaartugassatut kissaataat tamakkiisut

Punkt 6: Nunaqarfinni meeqqanik toqqaannartumik saaffiginnittunut saaffiginniffissanik pilersitsinissamik siunnersuut, nunaqarfinni saaffiginnittunut piareersimaffigineqartunik

Beslutning

suliaq ingerlatsivimmut misissugassanngorlugu ingerlateqqinneqarpoq.

Nunaqarfinni meeqqanik toqqaannartumik saaffiginnittunut saaffiginniffissanik pilersitsinissamik siunnersuut, nunaqarfinni saaffiginnittunut piareersimaffigineqartunik

Kommunalbestyrelsimut ilaasortap Laura Táunâjik Uitsatikitseq-p (S) Meeqqanut Ilaqutariinnullu Ataatsimiititamat siunnersuutaa

Aalajangiiffigisassaq
SagsID.: EMN-2022-03149

Inassuteqaat

Kommunalbestyrelsimi ilaasortaq Laura Táunâjik Uitsatikitseq (S) Meeqqanut Ilaqutariinnullu Ataatsimiititamat inassuteqaatigivaa:

- siunnersuut Meeqqanut Ilaqutariinnullu Ataatsimiititami oqaluuserineqassasoq ingerlariaqqinnissallu qanoq pinissaa aalajangiiffigineqarluni

Suliassamik saqqummiussineq

Kommunalbestyrelsimut ilaasortaq Laura Táunâjik Uitsatikitseq (S) apriliip tallimaani 2022 Meeqqanut Ilaqutariinnermullu Ataatsimiititamat aalajangiiffigisassaamat siunnersuummik nassiussivoq. Laura Táunâjik Uitsatikitseq kissaateqarpoq ataatsimiatitamat meeqqat nunaqarfimmeersut toqqaannartumik saaffiginnittut saaffiginniffissaannik, meeqqanut ilaqutariinnullu sullissiviit avavaatigut, tigusinissamat piareersimasunik, pilersitsisoqarnissaanik periarfissaqarnissaa eqqartorneqassasoq.

Siunnersuutigineranut tunngavilersuut:

" Meeqqat nanertuutillit aliasuutillillu saaffissaasuasarnerat pillugit suliniutit pitsanngoriartornerat qujanaraluaqaaq, nunaqarfinnili najugallit puigugaasarnerat aamma takornartaanngilaq. MIO misissuinnermini paasivaa sumiiffinni avinngarusimasuni meeqqat atugaat arlalitsigut unammillernartoqarnerullutillu aaqqiinarnermut iliuusissat ajornakusoornerusarsimasut.

Atuarfinni ilinniartitsisut saaffigineqarsinnaanerat periarfissaajuaraluartoq taamaattoq ilinniartitsisut sagsbehandleriunnginnerat eqqaamaneqartariaqarpoq. Meeqqat saaffissaqanngikkaangamik tamanna meeqqat tunuarsimaalernerannik sulilu artukkerneqarnerannik kinguneqartarpoq. Taamatut nalaataqartarneq inuunerup ingerlanerani arlalippassuartigut kingunipiloqarsinnaasarpoq, oqaasertaliisimanngikkaannilu tamanna allaat atornerluisunngormermik kinguneqarsinnaavoq.

Illoqarfinni Siu-tsiu pingaartinneqarnerulerneratigut meeqqat inuusuttuaqqallu illersornissaat annerusumik eqqumaffigineqalerpoq. Pitsaavoq isumalluarnarlunilu. Periarfissarli taanna nunaqarfinni pigineqanngilaq, naak allat naligalugit pisinnaatitaaffeqaraluarlutik. Nunaqarfinni meerartatsinnut periarfissarsiuussinngikkutta tamanna pisortat meeqqanik sumiginnaaneranik isumaqassaaq.

Ilaqutariittut inuuneq tunngaviliisuvoq politikikkut sukkulluunniit illersorneqartussaq. Inuttut katatavut amerlavallaarujussualeqaat. Politiit kisitsisaataat qiviaraanni takuneqarsinnaavoq innuttaqqortussutsikkut inuit ajornartorsiortut, allatigullu alianartunik nalaataqartat annermik tasaanerusut nunatta kangiani najugaqartut. Ilaqutariittut inuuneq tamaviaarfiujuartoq allatigut iliuuseqarfigineqanngippat meeqqat avinngarusimasuni najugallit siunissamat alloriaqataanissamat ikaartinniarnerat ajornakusoortuassaaq. Taamaattumik nunaqarfiit BFC-qarfiunngimmata

oqarasuaatikku saaffiginninniarnit tamatigut iluatsittuaannangimmata pitsaassooq qanimut saaffissamik piareersimasuutitaqartuarnissaq. Taassumalu periarfissap nittarsaattuarnissaa sulilssutigisariaqarpoq. Ilanngullugu pitsaaqutaasussaavoq meeqqat namminneq oqaatsinik sungiusimasaminnik atuisumik paasisinnaasumillu saaffissaqartuarnissaat.

Siunnersuut qanoq aningaasaliiffigineqassava?

Siunnersuuteqartumit erseqqissarneqanngilaq.

Inatsisitigut tunngavissaq allakkallu tunngaviusumik uppersaattallit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliaassanngortitsisinnaavoq (aqutsineq pillugu inatsimmi § 13 naapertorlugu).
Oqaluuserisassanngortitsineq § 4 naapertorlugu pisassaaq.
Suliaq oqaluuserisassanut ilanngunneqareerpat, § 8 naapertorlugu suliap oqaluuserineqarnissaa pillugu kommunalbestyrelse ataatsimiinnermi aalajangiissaaq.
Sulianut aalajangiiffigisassatut siunnersuutinut ilanngunneqarsimasunut aamma tamanna atuuppoq.

Ilanngussat

Soqanngilaq.

Punkt 7: Lukket

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuerineqarpoq nal. 15:51